

榮縣志卷九

輿地志

祠廟寺觀

祠廟之設原以妥神靈為治除淫祀而崇奉已久非惑民者無毀此高僧羽流所為又以寺觀為棲息處也既增山川名勝而愚夫婦仰神像之莊嚴因以齋肅其心志或亦神道設教之意歟志祠廟寺觀

萬壽寺界鳳鳴蓮宇二山之閒為朝會習儀所

玉皇觀在天慶山之麓

禹王宮

即南湖會館

雍正六年知縣劉宗賢建於城東南隅

榮

縣志

卷九

輿地志

祠廟寺觀

一

乾隆三十六年知縣曾承謨改建於城西街工未畢去嘉慶八年知縣許源率董事捐修有記

天后宮城內西街康熙二十三年奉

旨封為天后五十九年編入祀典雍正十一年奉

旨各省

天后神祠督撫主祭如省城未建有祠應查明所屬府州縣原建祠宇令該地方官春秋致祭嘉慶六年奉

旨封天后父為積慶公母為積慶夫人道光二十三年奉

旨加封天后父母衍澤二字飭直省府州縣一體遵照無違今即於正殿後建祠崇祀



武聖宮城內桂林街卽陝西會館

蕭公廟城河街卽江西會館

南華宮城西街卽廣東會館

榮祿宮城西街卽貴州會館

崇仁祠舊在東門外久廢今祀於明倫堂左明四川布政使陳鏜

崇仁祠記革除初兵部侍郎胡子昭死其精忠大節天下知之而諱不敢言後百二十年事遠禁弛朝野

間稍稍有悼革除事者正德丙子巡按四川御史熊君始以胡公奏嘉靖丁酉廉訪薛大夫謀於御史金

始以嘉州之九峯書院修祠祀事十餘年公嘉之榮人也榮之人又謂邑無專祀號於有司亦嘗樹祠議

祀未定神棲又十餘年邑之尹王夢魁始具士民之情以請時御史鄢君閱公遺事曰此百代綱常所係

也卽兩祠無害乃邀夢魁閱舊址植圮振頽門堂寢室百日咸具制垆九峯庚戌春奉神安焉祠舊匾歌

榮縣

卷九

輿地志

祠廟寺觀

二

忠御史改曰崇仁取成仁意也夏五月鑿以督學至嘉州謁公於九峯山謀謁新祠未果乃命夢魁具祭

遙拜而言曰昔伯夷叔齊餓死於首陽山孔子曰求仁而得仁百世之下聞風興起者胡公其一也伯夷

傳曰伯夷叔齊聞西伯善養老盍往歸焉及至西伯卒武王伐紂夷齊恥之餓且死夫西伯夷齊之所歸

也西伯之子奚恥焉殷命不常歷數在姬不可改也二子之明又豈不知之其心以爲人臣之分知有君

而已何暇計其他哉然則伯夷叔齊非讐於武王也讐於人臣之不仁而事二君也惡其不仁而不能生

以仁寧死之爲安不然生固所甚欲也養之不善且避之求其善養者歸焉肯自餓而死乎我朝太宗靖

難之日宮中聞變及闔門自焚子昭具衰經哭入朝比有詔詰問子昭歷陳君臣大義反覆辨論辭色過

激上怒命下獄居五月復詔詰之無能改於其初數請死遂磔於西市夫人黃氏死焉女金奴沒爲官婢

姻屬逮繫戍邊者五十八家加榮之賦八百石先是燕兵駐金川門公度勢不克支遺書於其弟山東僉

事志遠使奉母避難約曰忠孝務各努力志遠負母而逃不知所之竟免於禍嘗從方遜志講學漢中遂



相砥礪以綱常之重自任故當是時方氏之禍獨慘而胡略如之君子謂二公得首陽之仁初子昭入漢中蜀獻王遺之詩曰不憚三巴路欲成仁者心此言似無所指乃今知之其殆詩識云鑿聞之事君者不得顧其家此忠臣烈士當利害之際不能兩全不得已而為是言爾身雖死必有不於其心求為忠臣而視其親就鼎鑊豈人所難陸宣公謂上不負其君下不負所學而公又不能不傷其親者矣不傷其親可以觀孝孝者仁之本也不負其君可以觀忠忠者仁之立也不負所學則不負其師可以觀義義者仁之紀也能使天下崇仁而況於身乎而況於鄉乎公初名志高字仲常其先江西廬陵人徙居蜀之大足父復初教授榮之東川遂占籍焉仲常榮生也弱冠以經明行修授其邑訓導蜀獻王知其賢薦於朝太祖親試延訪復稱旨特陞翰林院檢討更名子昭尋陞刑部右侍郎軍除初轉兵部左侍郎死之日年四十三無嗣女金奴侍宮中五十餘年天順間乞骸骨歸老東川其詳具九峯山碑記熊御史名尚弼金名燦鄆名懋卿薛大夫名甲劉應箕忠孝祠記刑部左侍郎胡

榮縣志

卷九 輿地志 祠廟寺觀三

公以革除初死建文難自承樂歷宏治俱以時禁未解宦遊者憚未敢談厥事後御史熊公相巡按四川立祠於榮縣祀之時正德八年去茲又七十餘年矣尋廟宇傾圮蜀之學士大夫談靖難革除事者俱彷彿未究其詳至於胡公尤憐惜焉鮮有悉其顛末者余每慨世之持風教者狃於故而弗敢彰善表節縱心有所嚮慕亦欲彰明往哲而終弗克自振竟寥寥焉胡公不幾於湮沒耶萬歷甲戌監司田公分憲川東其餘奸剔蠹明罰勅法蓋罔有遺力焉而敷政覃化之餘又恆以風教為首務適部使者孫公暨郡守朱公咸與公同心同德銳意崇尙每諸有司來謁見者輒以其邑之行誼風俗古今人才下詢妥諏博訪恐砥名勵行者晦弗彰也不數月大足令康公果來言胡公事載在縣志者略不可詳然其出處之大節仗義之危行則固有所履歷者夫君臣之義綱常之懿乃生人無所解於其心者恆人或競榮而迷道或怵勢而屈身或歷難而易慮則秉彝之賦在厥心者亦將解之以縻於世而罔知所以自振焉者滔滔也乃胡公當靖難渡江之際首倡大義抗節而不屈彼豈樂刀鋸之慘而惡爵祿之縻耶記稱其富經



術性方介其再從方孝孺游漢中蜀獻王有問學曰  
廣道德日隆之贈則其所以抱學於胸次者固不凡  
而稟賦於天真者自與恆人迥異故當利害臨大難  
乃能脫然不怵於勢不競於榮不改於慮若中流之  
砥柱屹然登華嶽而不可移若逝波之入海一瀾萬  
折而不可回也嗟乎傑哉百餘年來顧未見有表彰  
之者果以時禁未解耶然文皇帝為高帝之子建文  
實高廟之嫡孫革除諸公忠建文所以忠高帝文皇  
當諸公之死曰彼食其祿自當盡其心耳昭皇帝亦  
曰若公孝孺輩俱忠臣也永樂中先後詔召公家  
而胡公與焉綸綽何諄切耶提挽綱常培植國脈億  
萬載祚運於不替者胡公之節義其關係世道豈淺  
小哉田公仍飭邑令康君芟地鳩材於縣部之南建  
祠立石而又定其常需命有司春秋祭饗復裔胡興  
先等課額令之世守祠宇夫廟貌森嚴棟宇華飾風  
節宣朗也歲祀無斁行茲蒸嘗神明鑒繫也復其家  
恤其後俾其世守堂宇忠魂依托也諸敦誼崇化之  
典其偉與胡公諱子昭字仲常名志高誌載謂太祖  
改今名往來從學方孝孺講明理學蜀獻王重之以  
明經儒士薦為榮縣訓導建文初陞翰林檢討進刑

榮縣志

卷九

輿地志

祠廟寺觀

四

部左侍郎靖難師渡江建文四年九月死之時年四  
十一父名復初母郭氏皆年八十餘子五人給緝繼  
等謫戍女金奴沒為官婢胡子義初名志遠亦膺薦  
辟分教威遠又陞山東按察僉事及遇兄難棄官匿  
丹稜晚有懷鄉詩載在誌帙者聲意悲壯蓋有得於  
兄之教而伯仲齊鳴者也蜀嘉定誌具載二公為榮  
縣人然備查胡氏家譜及子孫作佛事錄籍並永樂  
赦復其家勘合俱為重慶大足人記載明甚而榮縣  
則子昭初訓導所經地也或曰志遠為蜀府典寶或  
曰子昭為史官陞兵部侍郎刑部尚書或又曰子昭  
無子止有一女名金奴各記載者以時諱不敢彰灼  
其事故彼此舛誤互為沿襲然胡公孤忠勁節所以  
扶植人紀綱維世道者將與天地終窮固耿耿不磨  
也其他又曷足深考耶若夫楹椽瓦石之細祠堂棟  
宇之度則有司存又何暇悉記哉余惟服當時同難  
共事一門父子兄弟之高誼御史熊公之令圖而又  
嘆今部使者採覽監司出公之表豎郡守諸公之振  
拔邑令康公之經度足以風世哉足以風世哉四川  
參政陳文燭重修崇仁祠記歲革除己卯文皇帝內  
靖師促草詔天臺方孝孺等死之兵部右侍郎胡子



昭與焉公嘉定之榮縣人字仲常師方先生而死同其時蓋異數云自是天下諱言之二百餘年里人始祀公扁曰崇仁祠督學陳公塗有記余至嘉定榮縣令王建元新厥祠同教官石磐陳時敏率諸生請余碑焉嗟乎孔子於令尹子文則忠之於陳文子則清之於夷齊比干則仁之司馬遷以為得夫子而名益彰者即公痛哭入朝咄咄大義斯亦叩馬之諫矣餓死剖心何怨耶又其弟僉事志遠負母逃去其女金奴沒為官婢而乞歸皆成公之志者求仁而得仁非耶余為迎送神曲書麗牲之石其辭曰報主果烈兮千秋一時三江襟帶兮公其歸斯右迎神曲悠榮土兮注於孤城公名竝遠兮愧彼馮生右送神曲萬曆二年甲戌冬日

巧聖宮縣西街即魯般廟

東嶽廟縣東門外明嘉靖間建

國朝康熙十一年重修乾隆七年典史張鴻捐銀四十兩置

榮縣志 卷九 輿地志 祠廟寺觀 五

常住田嘉慶十一年士民捐修前後殿十六年知縣許

源倡捐補修東西十殿及樂樓山門

武安公廟縣南晴雨崖下祀漢靖侯龐統號通惠威烈

顯應侯每年正月十日民人競獻酒醴誤其名曰土主

會乾隆五年士民募置常住田一區宋榮州刺史石緝武安公廟記余寫

武安公本傳畢往廟中觀匠者刊石掌廟田惟和與我言武安公之來始自資陽之銀山昔偽蜀廣政十七年有寇大掠于榮昌忽傳寇至民相顧以恐為此州守者乃選鄉兵三百遣郡之賈全勝者將以禦賊田惟和之會祖廣居郡以膽勇聞率廣偕往道由銀山眾畏懼不敢前乃相與謀曰賊眾我寡勢固不敵非有陰助是托死矣遂相與禱於祠下公告其眾眾喜鼓行賊聞軍卒之來震響陵谷登望駭異即時奔潰眾德公助思所以報而無有稱者既而曰圖相報之宜莫若廟貌吾郡而歲時祭饗之且使吾郡之民



得就瞻仰而吾等子子孫孫相繼而崇奉之此庶幾不負公惠而無歉吾心矣吾居然而莫知公意所在兵下銀山乃折廟址丹山棗一枝俱與公約歸棗活盤偃者乃當時約植之棗也全勝於是即植棗之地為茅祠一閒命廣主之十九年為刺史賈武庫跡之二日廳階之下有兵卒數十左右莫有見者而賈獨見之且云南山有白馬大王遣來致賀語已即不見賈驚異闕道躬謁令廣更壯祠宇凡呼為白馬大王從所見兵卒之言也郡人亦往往見有乘白馬呵導入南山之下左右衛從有若王公出入之盛且疑其郡刺史之行從而視之則無郡人以是知賈言不誣今亦從而呼之歲之旱澇民之疾苦應禱如響先時茅祠一間今樓殿廳廚廊廡周迴幾數十閒悉皆巨材繪塑神像金碧灼然祠宇一出田氏四時經營之力今惟和祝之尤謹因余立本傳礮石求余文以紀立廟之歲月惟和之言與余所聞見者不異余故錄之以為之記公之事業本傳已具此不復書矣

惠民祠舊在武安公廟左明知縣張九思移於廟前祀

榮縣志 卷九 輿地志 祠廟寺觀六

隋嘉州守趙昱

國朝乾隆間士民捐建正殿五閒祀秦太守李冰即今謂川主也

竹王祠縣東飛仙橋上

虎洞寺縣東二里洞有甘泉四時不竭

石燕寺縣東十五里近仁壽崖

舞龍寺縣東十五里即榮梨山宋州守皇甫公建有亭

圮

國朝乾隆十九年知縣黃大本禱雨輒應於池上建靈雨亭

亦圮嘉慶十三年知縣許源新前後殿修拜庭一抱廳



二池上環以石欄山門圍牆高大倍前有記

清水寺在舞龍寺下近高山鋪

余家寺縣東十五里近龔家壩

鐵板寺縣東二十里近方家壩

嶽峯菴縣東三十五里近方家壩

方家寺縣東三十里近雙石橋

高峯寺縣東四十里近東川溝

張家洞縣東四十里近雙石橋

吳家寺縣東五十里近白廟子

文昌宮縣東六十里程家場內有雲程義學

榮

縣志

卷九

輿地志

祠廟寺觀七

炎帝宮縣東程家場山門外右有仁義倉五間

神農廟縣東程家場離場二里內有中和倉三間

天后宮縣東程家場

禹王宮縣東程家場

江西廟縣東程家場

南華宮縣東程家場

騾嶺寺縣東六十里近程家場

晏家廟縣東六十里近程家場

隆興寺縣東六十里石鳳山近程家場

魏家洞縣東六十里近程家場



鄭家觀縣東七十里近白廟子

程家寺縣東七十里近程家場

洞雲寺縣東八十里近貢井

熊家廟縣東南八十里近橋頭鋪

乾壩寺縣東八十里近貢井

天池寺縣東九十里近貢井

湖廣會館縣東貢井乾隆十八年設立社倉三間

江西會館縣東貢井

文武宮縣東九十里貢井正殿祀

文昌帝君前殿

祀關聖帝君每歲春秋縣丞與近處紳士自辦祭

榮

縣志

卷九

輿地志

祠廟寺觀

八

品致祭嘉慶二十二年知縣宮鑑柱於廟內添設旭川

書院並示諭不得添塑佛像

順水寺縣東九十里近貢井

千佛寺縣南千佛崖下乾隆十八年重建祀銅佛一座

有坡土住持僧耕管

觀音閣縣南擦耳崖下乾隆十七年建有募引載藝文

志

白雀寺縣南里許俗名龍洞一名羅漢洞山徑幽邃摩

崖石刻極多有甘泉白石縫流出足供僧廚用報懇常

住田一區碑記載藝文志



朝陽洞縣小南門外五里

董家鎮廟縣南二十里

青崖寺縣南二十五里康熙中邑舉人張容授徒於此  
後燬於火今其族人等重建

大才寺縣南三十里近雙石橋

金臺山寺縣南三十五里近李家堰

寶泉寺縣南四十里近李家堰

太子殿縣南四十里近鎮子場

石堰寺縣南四十里近雙石橋

破塘寺縣南四十里在頂鳳山

榮

縣志

卷九

輿地志

祠廟寺觀九

松林寺縣南四十里近李子橋

照石寺縣南四十里臨溪有巨石日映之其光四照故名近鼎新寺

常興寺縣南四十五里近樂德鎮

廣佛寺縣西南五十里近樂德鎮

迴龍殿縣南五十里近鼎新寺

慈雲寺縣南五十里在張家場

道澄寺縣南五十五里地名西冲鋪近龍灘場

鼎新寺縣南六十里僅存玉皇殿及樂樓餘俱圯乾隆  
十九年場民報納官租詳請奉批撥充囚糧復於場後



清釐界址爲官山義冢其常住田已盡爲居民佔墾陞科寺基亦不能仍舊

復興寺縣南六十里菴子冲近鼎新寺今撥出空房九間作義學立案不得添塑佛像

道果寺縣南六十里近古家場

水口寺縣南六十里近橋樓子

天圓寺縣南六十里近橋樓子

資國寺縣南六十里近新橋場

滿庭寺縣南六十里近五寶鎮

東嶽廟縣南六十里龍灘場明嘉靖中紳士劉一惇一

榮

縣志

卷九

輿地志

祠廟寺觀

十

會建置有常住田後人劉啓俊等交僧管辦乾隆十八年社長吳明聚邱洪等仍官房之舊修社倉二間

興聖菴縣南七十里近新橋場

金川寺縣南七十里近雙河口

虞家廟縣南七十里近新橋場乾隆十八年設立社倉

五間

五皇廟縣南七十里近鼎新寺

華藏寺縣西南八十里近新橋場

白馬廟在新橋場

圓明寺縣南八十里近沙溪口



萬壽宮卽江西會館在龍灘場

寶鼎寺縣南八十里近五寶鎮

五皇廟縣南八十里近龍灘場

觀音寺縣南八十里近蔡家店

葛麻寺縣南八十里明建兵燹後猶存

極樂菴縣南八十里近五寶鎮

雲峯寺縣南八十里近五寶鎮

蓮華寺縣南九十里交宜賓縣界

觀音菴縣南九十里

南禪寺縣南九十里南禪山一名鉢盂山交宜賓縣界

榮

縣志

卷九

輿地志

祠廟寺觀十一

新定菴縣南九十里近蔡家店

圭山寺縣南一百里近宜賓縣合江鎮

道觀寺縣南一百里近沙溪口

雷音寺縣西南一百里

金花殿縣南一百二十里宜犍榮三交界

金川寺縣南一百二十里近金花殿

興聖寺縣西南一百二十里

古佛寺縣西一里

川主廟縣西南十里

五聖菴縣西南二十五里近土地場



周家觀縣西三十里近杜家井

真武廟縣西三十里近五通壩

覺參寺縣西五十里近杜家井

東嶽廟縣西五十里長山橋官山上近場口設立社倉

五閒

古佛寺縣西六十里近來牟鋪

五皇廟縣西六十里二所在來牟鋪

姚家寺縣西六十里近長山橋

銀窩寺縣西六十里近石笋鋪

清涼寺縣西南六十里近雙河口乾隆十八年設立社

榮

縣志

卷九

輿地志

祠廟寺觀三

倉五閒

呂家寺縣西五十五里近雙古墳

順江寺縣西七十里近雙古墳

普濟寺縣西七十里近來牟鋪

隆合寺縣西七十里近來牟鋪

寶光寺縣西七十里近來牟鋪

華嚴寺縣西南七十里近永興場

但家寺縣西七十里近賴河壩

龍泉寺縣西七十里近踏紫山交隄爲縣界

廣教寺縣西七十里一名廣教院近劉家場



新寺縣西六十五里近踏紫山

白鎮菴縣西七十五里近踏紫山

金山寺縣西七十里近龍泉寺前後二殿

妙覺寺縣西八十里近賴河壩

玉皇堂縣西八十里近劉家場

金鰲寺縣西南八十里近劉家場

桐蔴寺縣西八十里近竹園鋪

豔陽洞縣西八十五里近竹園鋪

黃鶴寺縣西南九十里

佗子寺縣西九十里近竹園鋪

榮縣志 卷九 輿地志 祠廟寺觀 三

照覺寺縣西九十里交犍為縣界

定理寺縣北四十里近栗樹坪

興禪院縣北五十里

天堂寺縣北五十里

王家菴縣北五十里近觀音崖

興隆菴縣北五十里近雙古墳

萬壽寺縣北五十里近雙古墳

萬壽寺縣北六十里近雙古墳賴河壩

西禪寺縣北六十里近雙古墳

石塔寺縣北六十里近雙古墳



龍井寺縣北六十里近雙古墳

近仙菴縣北六十里近雙古墳

仙聖菴縣西北七十里觀山場場係官地地租充僧食費乾隆十九年菴後設立社倉六間

大石門寺縣北七十里一名志發菴交并研縣界

觀音寺縣北七十五里近賴河壩

峩峩寺縣北七十里一名興佛菴買并研縣余家壩田為常住田

仙人山寺縣北七十五里寺後舊有鐵瓦塔石上有仙人足跡鐫唐仙二字竝佛日仙風四字交仁壽縣界

榮

縣志

卷九

輿地志

祠廟寺觀

袁家廟縣北八十里雲鳳山交并研縣界

諸儒祠縣東宋時州刺史晁公武建祀郡人王潛夫尤袤王顛勾龍澁勾龍傳

先賢祠縣東宋建祀榮州守李仁父張少衛李巨傳岑求易范景仁

太史祠在鳳鳴岡北祀分寧黃魯直及郡人王元著宋寵光尤袤

范榮公祠城東桂林街祀宋范百祿按姓氏譜云百祿成都人大尉錯之子官至中書侍郎贈榮國公 以上

四祠今俱廢



四祠今俱廢

雨壇寺

玉皇觀

俱縣南九十里近橋頭鋪

文昌宮

近龍潭場咸豐九年增生吳騰蛟等募眾捐修

雲峯寺

城南七十里近李家場

五皇殿

城南八十里

石簷廟

城南八十里

青岡坪廟

城南八十餘里以上俱近李家場

白廟子

城南六十里近程家場

文昌宮

城南六十餘里近永興場

榮

縣志

卷九

輿地志

祠廟寺觀十五

張家廟

丁家廟

俱城南五十里近鎮紫場

雲台觀

又名畢家觀城南八十里祀東嶽最靈東西分列十二殿

吳家廟

城南六十里以上二廟近新橋場

文昌宮

近五寶鎮同治十三年募建旁附義學

張公祠

在武侯祠側祀陣亡協將張公萬祿有殉難記見藝文志